

福建通志

第壹拾叁冊
河渠·城池

K 295.7
1

福建河渠書卷八

汀州府

長汀縣

鄞江一名正溪在縣東南方輿紀要云或謂之左溪亦謂之汀水閩書云天下水皆東惟汀獨南南丁位也故名汀州

案道光志云縣有東西南北四溪故以經流爲正溪一統志以東溪爲鄞江以大溪爲正溪而閩書與郡志皆云鄞江卽正溪今從之道光志是也惟八閩志先以鄞江爲卽東溪云鄞江在府城東卽東溪水自羣峰發源會鄞坑水至張家陂與正溪合於正溪則云在府城東南又名大溪發源寧化縣界出石含厯謝地新橋湘洪峽迤邐至東莊潭分爲二派一派自有年橋入一派自濟川橋入至高灘角復合爲一南流以達於海道光志未見八閩志故但駁一統志今案鄞江之源遠於東溪當爲經流東溪又與西南北各占一方之名自不如以鄞江爲正溪之

允矣

源出縣北亂蘿天華二山

在寧化西南

及寧化衆山水滙爲一溪至縣東北

四十里石涵前穿龍門峽挾挾水而下峽巨石盤互不見天日上鑄龍門二字南流至南田梓步溪注之又南流至湘洪廟爲湘洪峽小湘溪注之

石涵

寰宇記云溪水在州東四十里地名石涵涵內流出

梓步溪

八閩志云源出大息嶺左至南田

小湘溪

八閩志云源出南原至洪湘廟前上二溪俱府城東

折而西流至治東張家陂東溪合北溪來會

東溪

閩書云源發翠峰出合鄞坑水流高洋橋至張家陂與正溪合

北溪

八閩志云在府城北源出橫坑過攀桂橋道光志云卽龍陂溪

亦名橫溪源出縣西天井山下之仙人湖

又折而東南流至圓珠山西溪由城西南來會

西溪

八閩志云在府城西源出大原過杉嶺至南拔橋下官引一派

東爲城壕至崇善坊興雲橋一派至西田過富文坊閩書作高阜坊抵洲湖廟前閩書云皆與正溪合道光志云源出溜嶸山之陽東南流至合江口與仙人湖合

至南口南溪亦匯焉

南溪 入閩志云在府城南源流不一經普濟橋至南口

又繞寶珠峯下由西而東至遊繩渡又南流至河田鋪有一水自東來注又南經大潭三洲二鋪至車前鋪東受一水復南流至水口鋪東又西受一水稍南歷靖遠館西南合山坑溪又東南抵廻龍灘入上杭境行八十里爲上杭大溪

貢水 一曰湖漢水源出縣西北有二源一出溜嶸山之陰西北流一出雞冠嶸西南流至古城司合溜嶸水西入江西瑞金縣治南合數溪西南來注水勢始盛曰貢江行七百餘里經南昌府治東而北與章江會曰贛江案道光志云湖漢水爲九江經流見玉海引太康記說本於劉歆漢書

地理志雩都縣湖漢水東至彭澤入江行千八百九十里水經注豫章水北逕贛縣東右會湖漢水劉澄之云贛縣東南有章水西有貢水縣治二水之間二水合贛字因以名縣酈道元非之然近世皆宗其說以豫章爲章水湖漢爲貢水貢水源出汀州見王應麟十道山川考發源汀州新樂山見通典而明史地理志云長汀北有卧龍山又北有新樂山貢水出焉新樂雖不見舊志未能確指而貢水實出長汀溜嶺雞冠嶺二山並在縣北卧龍山直其南與明志合疑二山其一新樂也水道提綱謂出皇祝皇祝卽今黃竹嶺在縣北距二山不遠是提綱所謂皇祝卽溜嶺或雞冠嶺也是則湖漢發源汀郡卽貢水異名今由汀厯贛以至彭蠡與漢志里數合

寧化縣

大溪 臨汀志云發源有六其正西抵贛石城界自塹嶺九十里至縣與大溪合其西南抵長汀界自孤栖嶺百二十里至小吳與大溪合又四十

里至縣其西北亦抵石城縣界自長放百里至李田與大溪合又二十里
至縣此三水縣之上流也其一東北自邵武臺田嶺與建寧分水百四十
里至縣與大溪合其一正北自苦竹嶺六十里至馬家渡與大溪合又三
十里至縣其一正東自熱水窰頭百里至側潭與大溪合又四十里至縣
東溪渡上二里與上流三溪合爲一然後東至清流縣達於劍津寧化縣
志云其流於縣治前者曰西溪大源有三其西南與長汀分界者源自龍
上上里孤棲嶺流合於龍上下里之小吳其正西與石城分界者源自龍
下里大長坊一作放其西北亦與石城縣分界源自龍下里塹頭流九十里
至興善里之犁嘴上合於大溪其流於縣治東一里許道光志作魚頭鋪與西溪
合者曰東溪大源亦有三自永豐里苦竹嶺者正北也流經上伊沙坪中
沙四十里閩書作六十里合於大溪自招賢里臺思嶺與建寧縣分界者東北也
流至雙溪口而合自泉上里窰土岡分流入歸化者正東也流至永豐之
梅林溪口而合道光志云由是大溪兼東西二溪水東南流至馬尾橋水

口村合溪注之而諸澗水先後來匯者有上坪村水竹篙嶺水李七坑水

官家邊水遂抵清流西境爲清流西溪

東西溪合流至此五十里

合溪 縣志云在新村里去縣南四十里源自龍上上里田螺髻山流

至馬尾溪水口村而與大溪合

以下皆縣下流

上坪村水 道光志云源出本村匯於縣南斑竹口

竹篙嶺水 道光志云源出本嶺匯於縣南鐵嘴橋

李七坑水 道光志云源出本坑匯於縣南鐵嘴橋

官家邊水 道光志云聚諸澗匯於縣南楊坑口

羅溪 縣志云在會同里去溪南八十里自會同之黃金際經曹坊及羅

溪舖流入清流界之羅口

溫村溪 縣志云在會同里去縣南九十里源自亂蘿山與長汀分界流

入於連城而下於九龍

寧溪 道光志云在招得里源出江西界之窩嶺及北車橋鎮山二水東

流而合曰南橋溪又東南流嚴坑水注之又北合西源之落洋溪

源出江西界之

嶺北源之均溪

源出江西界之惠心隘

又東北入建寧縣灘江

黃連溪

縣志云在招得里北流入建寧縣至延津

清流縣

正溪 臨汀志云源於寧化縣過縣下夢溪經九龍灘過沙縣而東入閩志作大溪云在縣治西源寧化大溪環抱縣治三折經漁澹潭出九龍灘又別出清溪云在縣北發源寧化縣至嵩口閩書云發源寧化藻泖五十里至縣境合一邑衆溪度九龍會延建二水又云清溪卽清流大溪發源寧化出高地青口合于正溪環抱縣邑以此名清流道光志云大溪一名清溪又名正溪自縣西境有前溪來注至縣城西北納三港溪至南岐納鄭家坑溪繞城而東又南至嵩口嵩溪合青溪入焉又南至橫口嚴坊溪注之折而東梓材坑水注之又東至縣東境之羅口連城文川溪來會又寧化之羅溪及發源長汀界之李坊溪亦同匯焉至芹口納芹溪抵鐵石

磯至九龍灘口納夢溪經六龍至大嶺交永安境接燕溪

三港溪 閩書云在縣西南五里連有三小港其源皆自寧化合流于清溪道光志云一出大基頭流至小基一自青溪分流流出上堡村至白石橋達溪口一自寧化界黃地鋪出歸來橋來注其上堡村一港合半溪水於白石橋同滙

半溪 八閩志云在縣東北源出高地嶺至白石橋閩書云溪中白石錯落望之如未消雪

鄭家坑溪 閩書云在縣北各山坑水合流至古基頭及南岐入正溪

嵩溪 閩書云發源寧化界合本里小溪水過玉華至嵩口入大溪

青溪 閩書云發源寧化界經高地下至青口合嵩溪入大溪

嚴坊溪 閩書云在縣治南流至橫口入正溪

梓材坑水 道光志云源自東南倉盈里

文川溪 八閩志作連城縣溪云自連城至縣東六十里閩書作羅口

溪云發源連城過北團至羅口合正溪

李坊溪 閩書云發源長汀界至白石溪入羅口合正溪

芹溪 八閩志云源出歸縣至安鎮閩書云源自歸上亭出芹口

夢溪 臨汀志云在縣南一百二十里八閩志云在縣東南山澗合流
閩書云自本里流出至九龍灘口說者謂溪上林木蓊鬱行者如在夢
中此其名也有潭名秋口潭

諸灘 臨汀志云六龍灘在縣東一百一十里亂石欒牙橫亘舟楫
不能通道光志云七里灘在縣東南七里旗角灘在縣西南十里長空灘
在縣東十五里中有大黃石鎮邑水口水漲石沒則舟難行諺曰黃石蒙
頭十舵九愁王家灘在縣小水門外磯頭灘怪石橫截水漲浪猛亦九龍
之亞百舌喉灘亂石驚濤曲折峻激

歸化縣

明溪 八閩志云在縣東象山下白腰帶水而來流繞福林巷側經龍湖

而矣
三
淵接珩溪又有翰溪在縣東興善里源出龍湖淵流接雷霆溪又有布溪
在縣東歸下里源接吉溪以上諸水俱流接沙溪自是溪始大可通小舟
滙於巖前而去閩書云岸有大小阜相對如明字故名又名黃溪水道光
志云一名沙洋溪發源縣西之五通凸過石塘至五里橋環縣北黃溪注
之至縣東名腰帶水南有雪峰下水北有臨門又水來會又東受南灣坑
之分龍水西受玉虛洞水同滙於獅象二山交會之龍虎潭乃納東坑水
繞羅星峯東納泗洲橋諸水南會五口水過石珩村珩溪合黃窠溪入焉
又東北至雙捲橋翰溪合雷霆溪入焉又東爲沙溪北納無墜坑水南納
呂源水至紫坊口

在下
燕砦

御陽下陽二溪來會又東南抵永安境沙口村又

西北流入燕溪

黃溪 道光志云一名石溪自南山北流穿城北從城東白沙橋出

腰帶水 入閩志云在縣學前源出五通凹流至黃溪頭始大環抱學

前形如腰帶又云石硤澗在縣西兩二里許源出山下石硤間流至惠

利橋與腰帶水合

雪峰水隘門叉水 道光志云縣西二十五里有木芍岫山分南北條

南條首五通凸北條首隘門叉雪峰爲南條次與隘門叉南北相對

分龍水 道光志云在雪峰東西分脈間

玉虛洞水 道光志云在縣北永安鋪

龍虎潭 道光志云師山屬北條象山屬南條二山交會潭在其下

東坑水 道光志云在縣東屏風山下

泗洲橋諸水 道光志云在縣東聚諸小澗水

玗溪 八閩志云在石玗村閩書云溪中有石沿渚夾峙里許水從中

流如門檻名門檻石

黃窠溪 閩書云在縣東十里源自將樂界來流至清平橋下與玗溪

合

翰溪 閩書作翰溪云發源龍湖澗流入沙溪始大澗中有八卦石道

光志云在縣東興善里源出將樂界鐵嶺繞龍湖澗

雷霆溪 八閩志云在興善溪頭沿渚十里亂石嶺岼聲激如雷

沙溪 八閩志云在歸下里閩書云源接玳瀚二水至是始大可通小舟下至巖前合衆流出黃沙口道光志云卽明溪隨地異名

夏陽溪 道光志云在縣東夏陽頭

石溪 道光志云源出劍門嶺在縣南合七都八都水注清流永安之

九龍灘

坊溪 道光志云源出石東坑嶺合石鼓堵諸水入永安貢溪

鋪溪 道光志云源出黃漣山合黃支洞諸水注三溪寨水入將樂縣

金溪

布溪 閩書云源接吉溪沙溪之水流至巖前滙衆水而來

連城縣

文溪 臨汀志作清溪云在縣南發源長汀磜由新林院前過北團入清

流界八閩志云舊名清溪廻環屈曲到縣凡九折閩書云一源發於金雞山由法界庵前過合流至縣因曲折如文字故名下有楊州潭夾岸多綠柳故名復有蓮花潭道光志作文川溪云凡五源其最長者爲東源自東來出太地隔過陳地北坑南厯草哩嶼有瀑布懸下爲百丈深行五十里而至次爲東南源於姚坊橋注東源合流至文川橋西源西南源亦匯焉東南源出金雞嶺下白坊過黃家坊行四十里而至西源出張坊厯七里岡行十里而至西南源出五磔由大坪頭行二十里而至又一源亦自東來會出小緒嶺過大石巖五源合於文川橋九折入清流界由橋而北逾安定橋轉彭坊橋下揭坊厯麻潭龜龍砦出柯坊北安河合盧家畚水入焉長汀歸嶺水亦入焉抵清流境羅口會清流大溪

北安河 道光志云在東北源出南山峽

盧家畚水 道光志云在南山峽東

歸嶺水 道光志云源出嶺下

郎村隘溪 道光志云源自遠水嶺西南流數十里新泉溪合湯泉溪朋口溪來注

新泉溪 八閩志云在表席里源出上羅地下抵湯泉溪合流入上杭

縣

朋口溪 道光志云源出長汀界

朋口溪又合莒溪蕭坊溪里岡溪隔口溪及寧化溫村溪同注新泉溪衆流并合抵磯頭入上杭境爲連水

莒溪 八閩志云在河源里源出龍巖縣山中下接楊家渡入長汀縣界

蕭坊溪 閩書云源出上杭芋園溪下抵江頭渡入上杭界

里岡溪 閩書云源出文筆山下流抵河源里馬坊渡合流至上杭界

隔口溪 閩書云水出俞溪源下流抵河源里馬坊渡合流至上杭界

姑田溪 道光志云距城七十里源出姑田山左流涼坑右流心田坑

至姑田台曲溪

連城永安分界

小淘達永安吉山下爲吉溪

楊梅灘

八閩志云在縣北北安里灘之源出長汀縣界合虎忙嶺及清

泰里衆流而下灘流險隘上多植楊梅故名

長灘

閩書云出巖背流注上杭曲折多險

上杭縣

大溪

臨汀志云發源自長汀衆溪匯台入縣界又與舊州語口水會至

縣治之南山下西流五十

閩書作百

步而南經潭口至潮入海八閩志云在縣

南閩書云至南山下過美女峰縈迴三摺環抱而出三摺杭佳景也中有

蓮花石觀音石烏虎石蓮花石波濤洶湧行舟毫釐失手卽至覆沒道光

志云有二源一自長汀來爲汀水一自連城來爲連水汀水卽長汀鄞江

也流至迴龍灘抵縣境左納濁溪二十里至藍屋驛又二十里至黃土潭

財溪注之又二十里至澗頭渡檀溪入焉三里過赤面石轉北而東

上杭水號

三折此爲第一折

至水埔頭水埔溪來注又三里與連水會

連城可與書連城

上杭

濁溪 道光志云在縣北平安里

財溪 道光志云在平安里

檀溪 道光志云在縣西北源出武平中堡

水埔溪 八閩志作水浦溪云源出武平界經巖頭舖至水布灘道光志云一名巖徑溪在縣東北

連水即連城助村隘水也流至磯頭入縣境五里新田溪合南寶溪磬溪金山下溪來會又五里至金坊九曲溪入焉是爲語口溪又三十里至舊州河口與汀水會

新田溪 臨汀志云出鍾寮場之西與南寶溪合至通賢舖過龍

八閩志作

靈蛇山會語口溪南流至舊州

南寶溪 臨汀志云出南寶山下行數里微有磬水雜之故絕無魚與金山溪合至鍾寮場與南橋小澗竹林坊水合而東流

磬溪赤水 臨汀志云出鍾寮場之東與南寶溪合閩書云水出赤色